



Republika e Kosovës
Republika Kosova – Republic of Kosovo
ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



RAPORTI I EKSPERTIT SHQYRTUES

Kreshnik Spahiu:	27.03.2023	30.03.2023	779/22
Emri dhe Mbiemri i Ekspertit Shqyrtues / Teknik dhe nënshkrimi	Data e autorizimit të ekspertit	Data e dorëzimit të raportit	Nr. i lëndës

BAZA LIGJORE E SHQYRTIMIT

Me date: 19.12.2022, OE: "Aritech" Sh.p.k, ka parashtruar ankesë në Organin Shqyrtues të Prokurimit (OSHP), evidentuar me numër të lëndës 779/22, kundër vendimit të AK-MPB, lidhur me aktivitetin e prokurimit me numër 214-22-12230-5-5-8-1 dhe me titull "Furnizim me pajisje të IT-së", iniciuar nga Autoriteti Kontraktues (AK) - Ministria e Punëve të Brendshme (MPB)

Autoriteti kontraktues ka zbatuar procedurë të mini-tenderim-it, me vlerë të madhe, lloji i kontratës: furnizim, vlera e parashikuar e kontratës: 306,730.00 €.

Datat për fazat e ndryshme të Aktivitetit të Prokurimit deri tek ankesa në OSHP janë si vijon:

- Data e publikimit të njoftimit për kontratë (Ftesa për ofertim): 02.11.2022
- Afati i fundit për dorëzim të ofertave (pas korrigjimeve): 08.11.2022
- Njoftimi mbi vendimin e AK-se: 01.12.2022
- Kërkesa për rishqyrtim: 06.12.2022
- Përgjigje në kërkesën për rishqyrtim: 08.12.2022
- Ankesa në OSHP: 19.12.2022

Konform nenit 114 të Ligjit Nr. 04/L-042, i plotësuar dhe ndryshuar me Ligjin 04/L-237, Ligjin 05/L-068 dhe Ligjin 05/L-092 të LPP-se, eksperti shqyrtues i prokurimit i ka shqyrtuar pretendimet ankimore të OE ankues.

DISPOZITAT E SHKELURA DHE PRETENDIMET ANKIMORE

Dispozitat e shkelura

AK ka shkelur gjatë realizimit të kësaj procedure ka shkelur dispozitat e LPP-së si më poshtë:

Neni 6

Ekonomiciteti dhe Efikasiteti

1. Të gjitha autoritetet kontraktuese, janë të obliguara që të sigurojnë që fondet publike dhe burimet publike të përdoren në mënyrën më ekonomike, njëkohësisht duke marrë në konsideratë qëllimin dhe lëndën e prokurimit.

Neni 7

Barazia në Trajtim/ Jo-Diskriminimi

1. Autoriteti kontraktues do ti trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente.

2. Autoriteti kontraktues nuk do të ekzekutojë asnjë aspekt të aktivitetit të prokurimit në një mënyrë që redukton apo eliminon konkurrencën në mes të operatorëve ekonomik ose që diskriminon në dëm ose në të mirë të një ose më shume operatoreve ekonomik.

Deklaratë detale mbi faktet dhe argumentet

Ne me date 01.12.2022 kemi pranuar Njoftimin mbi vendimin e AK-se si dhe letrën standarde për tenderuesin e eliminuar.

Autoriteti Kontraktues ka vendosur të shpërblejë me kontratë Botek Sh.p.k.

Autoriteti Kontraktues eliminon ofertën e Aritech shpk me arsyetimin si ne vijim:

Citojme:

ARSYETIM

Tenderi juaj është refuzuar, sepse gjatë procedurës së ekzaminimit, vlerësimit dhe krahasimit të tenderit Tuaj, komisioni i vlerësimit ka konstatuar se Ju nuk keni dorëzuar dëshmi si është kërkuar në faqen 7 të Ftesës për Ofertim,

IV.6) Formulari i Tenderit dhe numri i ekzemplareve të Tenderit dhe Lista e Dokumenteve të kërkuara

Tenderi do të përbëhet nga dokumentet e plotësuara dhe të nënshkruara si në vijim:

f. OE duhet të paraqes dëshmi për gjeneratën e procesorit që duhet të jete minimumi gjeneratë e parafundit nga dita e "Ftesës për Ofertim".

Ju në tenderit tuaj për këtë kërkesë keni dorëzuar dëshmi nga prodhuesi që tregon se pajisjet e ofruara janë gjeneratë e 10 e procesorit.

Katalogët e dorëzuara me ofertë dhe deklaratën për Specifikimin teknik i ofertuar për artikullin 1 dhe 4:

Nr. i art.	Përshkrimi	Processor i ofertuar
1.	Brand Name PC - Model I (i7) Shtëpiza, Tastaturë, Maus	Core i7-11700F
4.	Brand Name LAPTOP MODEL III (i5)	Mini.Core i5-1135G7

Janë të gjeneratës se 11-te, kurse është dashtë të ofertoni dhe dorëzoni katalogët të pajisjeve të gjeneratës se 12-të.

Nga hulumtim në internet, komisioni vlerësues ka ardhur në konstatim dhe përfundim se produktet e ofertuar nuk janë te gjeneratës se parafundit nga dita e "Ftesës për Ofertim" e datës 02.11.2022.

Që nga data 20.10.2022 në treg është gjenerata e 12 e procesorëve.

Andaj, pasi nuk kemi pranuar ofertë në pajtueshmëri me kërkesat në Ftesën për Ofertim, tenderi juaj nuk kalon në vlerësimin e mëtutjeshëm.

Ne arsyetimin me lartë ka shume kundërthënie dhe të pavërteta.


Aludimi se : " Ju në tenderin tuaj për këtë kërkesë keni dorëzuar dëshmi nga prodhuesi që tregon se pajisjet e ofertuar janë gjenerata e 10 e procesorit" është i pavërtetë pasi që ne nuk kemi ofertuar as një produkt me cpu te gjeneratës 10, po ashtu edhe katalogët e ofertuara e dëshmojnë që ky arsyetim nuk qëndron, për me tepër në piken tjetër AK kundërshton vetveten duke dëshmuar që ne kemi ofertuar si ne vijim:

PC HP Omen – me cpu i7-11700F respektivisht

Laptop HP Probook 440 G8 me cpu i5-1135G7.

Aludimi tjetër se : "është dashtë të ofertoni dhe dorëzoni katalogët të pajisjeve te gjeneratës se 12-te" kjo do të qëndronte sikur të kërkohej vetëm pajisje te gjeneratës se fundit e që kërkesa nga AK ka qene për gjeneratën e parafundit edhe ne këtë pike disa rreshta me poshtë AK na jep te drejt duke pohuar që gjenerata e 12 e procesorëve është gjenerata e fundit. Prandaj është krejtësisht e paqarte pse Autoriteti

Kontraktues i referohet Aritech Shpk qe ka dorëzuar ofertë qe nuk plotëson specifikimin teknik kur për secilën pike vet AK ka dëshmuar të kundërtën.



Prandaj nuk ka kuptim qe te thuhet qe gjenerata e 13-te, te mund te konsiderohet si gjenerate e fundit, sepse plasimi i një lloji te procesorit (ne këtë rast te Gjeneratës se 13-te) përderisa nuk mund te blihet produkti sipas kërkesës ne dosje te tenderit dhe të llogaritet si gjenerate e fundit është nonsens, sepse edhe vet Prodhuesit e PC-ve, laptopave nuk mund te vendosin procesor te Gjeneratës se 13-te ne produktet e tyre standarde sepse nuk jane prodhuar ende nga Intel.

Promovimi i një apo dy prototipeve si inovacion nuk nënkupton last generation!

Prandaj data e promovimit te një modeli te prototipit te cpu-ve gaming nuk nënkupton qe Intel ka plasuar

ne shitje te njëjtë CPU rrjedhimisht nuk mund te konsiderohet si last generation edhe po te ishte data e publikimit dhe plasimit ne treg dita e njëjtë!

Ashtu siç e kemi potencuar asnjëri nga prodhuesit e PC-ve (HP, Lenovo, Dell, Acer, . .) ende nuk kane ndërtuar arkitekture te PC-ve Home, Office, Business dhe te ngjashme.

(Gjendja është e njëjtë edhe ditën e sotshme, pra Intel nuk ka ndonjë promovim) Për me tepër kemi inkurajuar AK-ne qe te hulumtoj nëse do gjej ndonjë laptop nga cilido prodhues me cpu te gen 13-te, po ashtu nëse do mund te gjej PC – Business , Office , Home Use , me cpu te gjeneratës se 13-te.

Megjithë kërkesën tone për AK qe te na dëshmoj lidhur me PC- Business , Office , Home Use , me cpu te gjeneratës se 13-te, ata nuk merren me këtë, **sepse qasja nga AK është sikur ftesa te ishte te blihet vetëm Procesor te gjeneratës se parafundit e jo PC-Laptop !!!**

Lidhur me gjeneratën e procesorëve ne vijim mund te shihni përgjigjen nga prodhuesi Lenovo :

Statement

Ljubljana, 8.12.2022
We, Lenovo Technology B.V., subsidiary Ljubljana, Pot za Brdom 100, 1000 Ljubljana, Slovenia, confirm that Lenovo does not have available products with 13th generation of Intel processors yet. Vendors such as Lenovo always require rigorous testing of new parts to ensure we are of the highest quality of production; hence we are not implementing the usage of newest generation immediately when it is announced by Intel.

Generally we introduce new Lenovo products with newest generation of processors a couple of months after the initial announcement by Intel.
Lenovo is planning to introduce the new Intel generation of processors Q2 2023.

Ljubljana, 8.12.2022

Deklarata e prodhuesit Lenovo është shume e qartë.

Prodhuesi Lenovo pas shpalljes nga Intel te procesorëve te gjeneratës se re bën teste rigoroze te pjesëve te reja për tu siguruar rreth kualitetit te produkteve.

Po ashtu konfirmon qe ende nuk ka produkte (PC, Laptop) te gjenerates se 13-te te procesorëve ne dispozicion.

Kërkesa ne dosje te tenderit është për produktin i cili përfshin ne vete procesor te gjeneratës se parafundit, e cila është ne përdorim për PC, laptop dhe produkte tjera.

Referenca për vetëm procesor përkatësisht gjenerate te fundit, e cila mund te dal prej prodhimit por deri te përdorimi i saj kërkon kohe te caktuar, e njëjta te vlerësohet si gjenerate e fundit ne shtetin tone dhe kjo vetëm nga Ministria e Punëve të Brendshme është e çuditshme.

Kërkojmë nga Organi Shqyrtues i Prokurimit te analizoj me kujdes lenden ne fjale sepse Vendimi për këtë lende do te krijoj Precedent për te gjitha Autoritetet tjera Kontraktuese lidhur me gjeneratat e procesorëve për PC, Laptop, AIO etj, qe është duke u zhvilluar ne kuadër te AQP-se.

Duke u bazuar ne argumentet me larte kërkojmë nga Organi juaj shqyrtues qe te merr vendim si ne vijim:

V E N D I M

APROVOHET si e bazuar Ankesa e OE "ARITECH SHPK" lidhur me tenderin "Furnizim me pajisje te IT-se" me nr. prokurimi 214-22-12230-5-5-8-1

ANULOHET Njoftimi mbi vendimin e AK-se nga "Ministria e Punëve të Brendshme", tenderi të Rikthehet ne Rivlerësim.

AK-së, të i kërkohet që vendimin te marr ne përputhje me kriteret e përcaktuara ne dosje te tenderit, duke u bazuar ne deklaratat e Prodhuesit dhe Distributorit te produkteve për HP, Dell, Lenovo, përkatësisht kompetencën rreth përcaktimit te tyre rreth gjeneratës se fundit te procesorëve si dhe ne përputhje me praktikat e deritanishme nga te gjitha Autoritetet Kontraktuese.

KRITERET PËR VLERËSIM

N/A

RAPORTI I KOMISIONIT VLERËSUES

Nuk gjendet në e-prokurim

INFORMACIONET SHITESË TË MARRA ME ANË TË SQARIMEVE TË KERKUARA NGA E EKSPERTËVE SHQYRTUES DHE/ OSE TEKNIK

N/A

VLERËSIMI SIPAS NENIT 4.1.26 TË LPP-së

N/A

VENDIMET E MËPARSHMETË PSH-së LIDHUR ME RASTET E NGJASHME

N/A

ARSYETIMI PËR DEVIJIM NGA PRAKTIKA E MËPARSHME

N/A

PËRGJIGJE NË PRETENDIMET ANKIMORE TË OE "ARITECH" Sh.p.k

Sqarim hyrës – OE ankues ka dorëzuar kërkesën për rishqyrtim pranë AK-së me datë 06.12.2022, për të cilën AK me datë 08.12.2022 ka nxjerrë vendim për refuzimin e kërkesës për rishqyrtim.

Përgjigje në pretendimin ankimor – OE akues pretendon se nuk qëndron arsyetimi i eliminimit, i precizuar nga AK në njoftimin mbi vendimin e AK-së dhe konfirmuar në vendimin për kërkesën për rishqyrtim. Konkretisht pretendimi ankimor ka të bëjë arsyetimin e eliminimit që lidhet me gjeneratën e procesorit të kompjuterëve.

Aktiviteti i prokurimit është iniciuar në kuadër të Marrëveshjes së Përgjithshme Kornizë, me numër të prokurimit UA/2016-19-9628-1-1-1, të nënshkruar në mes të Autoritetit Qendror të Prokurimit (AQP) dhe gjashtëmbëdhjetë (16) OE-ve. Në marrëveshje, tek specifikimi teknik për kompjutererët dhe llaptop-ët shënohet se kërkohet gjenerata e parafundit në datën e publikimit të njoftimit për kontratë.

Publikimi i njoftimit për kontratë për këtë aktivitet është bërë me datë 02.11.2022. Në tenderin e dorëzuar nga OE ankues janë prezantuar dokumenti me specifikimin teknik të ofertuar dhe broshurat e produkteve të ofertuara. Në këto dokumente specifikohet se OE-ka ofertuar me produktet e prodhuesit HP, ndërsa gjenerata e procesorëve për kompjuter dhe llaptop është si vijon: Artikulli 1- është ofertuar procesor Core i7 - 11700F (gjeneratës 11), Artikulli 2- është ofertuar procesor Intel Core i5- 12400 (gjeneratës 12), Artikulli 4- është ofertuar procesor Intel Core i5- 1135G7 (gjeneratës 11), Artikulli 5 - është ofertuar procesor Intel Core i7- 12700 (gjeneratës 12).

OE ankues ka prezantuar edhe dy prova. Emailin nga distributori ITD Prishtinë Sh.p.k, ku distributori e njofton AK-në me datë 06.12.2022 se ende nuk ka në dispozicion kompjuterë dhe llaptop me procesor të gjeneratës 13. Poashtu është bashkangjitur edhe shkresa e prodhuesit Lenovo, e dërguar me datë 08.12.2022 ku thuhet se Lenovo nuk ka ende produkte të disponueshme me gjeneratën e 13-të të procesorëve Intel dhe se Lenovo po planifikon të prezantojë gjeneratën e re të procesorëve Intel në Q2 (tremujorin e dytë) të vitit 2023.

Eksperti teknik ka ekzaminuar edhe ofertat e shtatë (7) OE-ve tjerë që kanë ofertuar në këtë aktivitet të prokurimit. Në tenderin e dorëzuar nga OE Novus është dorëzuar edhe një shkresë nga prodhuesi Dell në lidhje me gjeneratën e procesorëve të kompjuterëve dhe llaptop-ëve. Në këtë shkresë thuhet se gjenerata aktuale Optiplex bazohet në gjeneratën e 12-të të procesorëve Intel Alder Lake, dhe se gjenerata e ardhshme e 13-të e CPU-ve Intel do të jetë Raptor Lake dhe janë planifikuar të lëshohen në treg diku në

mars ose prill të vitit të ardhshëm (2023). Më tej thuhet se të gjithë konkurrentët kanë ende sisteme të bazuara në gjeneratën e 12-të, sikurse ne, kështu që tregu aktualisht është në këtë gjeneratë në përgjithësi.

Andaj, duke u bazuar në faktet dhe argumentet e sipërpërmendura, Eksperti Teknik sqaron se është e qartë dhe evidente se në vitin 2022 kompjuterët dhe laptop-ët e ofruar në treg me gjeneratën 12 janë pajisjet me gjeneratën e fundit të procesorëve në dispozicion, të cilat mund të porositeshin dhe bliheshin në periudhën e njoftimit për kontratë dhe dorëzimit të ofertave, sikurse konstatohet nga prodhuesit (Dell dhe Lenovo). Në kuptimin e kërkesave për gjeneratë të procesorëve të këtyre pajisjeve, për vitin 2022 gjenerata e parafundit konsiderohet gjenerata e 11 e procesorëve të Intel. Rrjedhimisht pretendimi ankimor në këtë pikë është i bazuar.

MENDIMI I EKSPERTIT SHQYRTUES DHE TEKNIK

Duke u bazuar në sqarimet e lartpërmendura, Eksperti Teknik i propozon Panelit Shqyrtues që ankesat e OE ankues të aprovohet si e bazuara. Më tej rekomandohet që të anulohet vendimi i AK-së dhe aktiviteti të kthehet në rivlerësim.

RAPORTI I EKSPERTIZËS TI DORËZOHET:

Autoritetit Kontraktues	Ministria e Punëve të Brendshme
Panelit Shqyrtues	OSHP
OE ankues	OE "Aritech" Sh.p.k